

NOTICIA DI
GOBIERNO

ISLA((•))NLINE

20
22

Diabierna 19 Augustus 2022

Email: IslaOnline@gobierno.aw Tel: 528-4952



Gabinete Wever - Croes II

2022

**AÑA DI INVERSION
Y OPORTUNIDAD**

2022
AÑA DI INVERSION
Y OPORTUNIDAD

**ARUBA MESTER
DI E ESFUERSO
DI NOS TUR PA
RECUPARA**

PRIME MINISTER
Evelyn Wever-Croes



ASINA CU INVESTIGACION DI ARUBAHUIS FINALISA PARLAMENTO POR TA SIGUR CU NAN LO RICIBI ESAKI

Manera cu ta conoci tin investigacion cu ta andando na Arubahuis cual Prime Minister Evelyn Wever-Croes a inicia cu ne. Na varios ocasion Prime Minister den tur transparencia a splica cu na e momento cu a bin na su conocimiento cu tin algun cos cu no lo ta bayendo bon na Arubahuis, como e minister encarga cu Arubahuis, a pidi Centrale Accountantsdienst (CAD) pa haci un investigacion. E investigacion aki ta andando ainda ketobay, e ta den su fase final, pues mientrastanto no tin mas informacion 'nobo' acerca di e tema aki.

Premier Wever - Croes a informa cu e investigacion ta wordo tuma hopi serio y tur esnan cu ta haciendo e investigacion ta dedicando hopi tempo na esaki. Prime Minister como e persona cu a inicia cu e investigacion ta segura cu asina cu e

investigacion y e rapport ta full cla, lo informa Parlamento di tur loke cu a pasa. Prime Minister ta enfatisa: "Mi mes ta esun cu a cuminsa e investigacion aki, y mi mes lo ta esun cu lo duna transparencia ora e investigacion keda cla"

A pesar di e transparencia aki ta tuma nota cu oponentenan politico un bes mas ta trata di haci politikeria cu algo serio, kier trata di accelera e proceso of desvia atencion di locual nan mes tin andando.

Pa cualkier motibo cu e ta, Prime Minister Wever - Croes ta pidi pa ban duna tempo, tempo. Alabes ta segura cu ora e investigacion ta cla, Gobierno lo duna mas informacion y por comenta mas di e contenido di e investigacion.



**"MI MES TA ESUN CU A CUMINSA E
INVESTIGACION AKI, Y MI MES LO TA
ESUN CU LO DUNA TRANSPARENCIA
ORA E INVESTIGACION KEDA CLA"**

PRIME MINISTER
Evelyn Wever-Croes

NO TA PRUDENTE PA INTRUDUCI BTW ENTRANTE 1 DI JANUARI 2023

Diahuebs 18 di augustus atardi durante conferencia di prensa extraordinario, Prome Minister Evelyn Wever-Croes hunto cu Minister Ursell Arends a anuncia cu no lo continua cu e introduccion di BTW per 1 di Januari 2023 manera ta ser proponi den e landspakket.

Prome Minister a splica cu Reforma fiscal ta parti di un di e acuerdonan haci cu Hulanda den cuadro di e landspakket. Un parti di e Reforma Fiscal ta e BTW. Den cuadro di esaki Departamento di Impuesto y como tambe Prome Minister, a reuni cu gremionan y a scucha preocupacion di gremio comercial, sindical y di comunidad en general riba e introduccion di un BTW. E preocupacion principal, Prome Minister a expresa, ta e efecto inflatorio di esaki pero tambe e preocupacion di comercio ora a indica cu lo no bay baha BBO pa despues bin cu e BTW. Tur esaki lo causa un efecto inflatorio aun mas halto.

“Nos a haci nos calculacion di e efecto inflatorio di e BTW y en bista di e guerra di Ukraina y su efecto aki na Aruba, nos a yega na e conclusion cu no ta prudente pa introduci e BTW per 1 di Januari”, Prome Minister a duna di conoce.

Despues di consulta cu Minister di Finanzas y su ekipo, a tuma e decision cu no ta sigui cu e plan di e BTW di 6-14%. Sinembargo e necesidad financiero si ta keda y p’esey ta contemplando pa na luga di e BTW introduci un aumento di BBO cu 1-1.5%. A haci calculacion di e BTW y e aumento di BBO y e resultado ta muestra cu e BTW ta casi 4 biaha mas halto cu si bo hisa e BBO. Banda di esaki pa compensa e aumento di BBO, ta contemplando tambe pa baha e impuestonan riba salario pa pensionadonan pa asina nan por atende cu e gastonan cu ta aumenta. Tambe tin pensa di reduci e tarifa den winst belasting di companianan. “Pues mirando e efecto di e guerra di Ukraina, nos ta haya cu no ta prudente pa awor bin cu e BTW”.

Prome Minister a duna di conoce cu Gobierno cu e situacion na Aruba ta sigui dificil mescos cu henter mundo door di Covid, un pandemia devastador cu casi a kibra nos economia. Nos turismo berdaderamente a cuminsa crece pero no a yega 100% ainda, nos economia no a yeg’e ainda tampoco. Nos ta casi di yega e turismo di prome cu pandemia.

Y riba esaki, nos ta sufriendo tambe e efectonan secundario di e guerra na Ukraina. Prijs di crudo y di gasolin internacional a subi, tur producto cu nos ta importa a aumenta internacionalmente. Awa y coriente tambe a aumenta temporalmente y no ta na Aruba so sino henter mundo ta mirando e desaroyo aki. Hulanda ta pasando den e pio inflacion den e 50 añanan, Merca ta papiando di un recession. E guerra di Ukraina tin un efecto grandi pa henter mundo.



Banda di esaki tambe, nos tin un debe hopi grandi tambe cu nos a sali di covid cu ne. E debe di Awg 900 miyon cu Aruba a presta di Hulanda. Gobierno ta buscando alternativanan pa e gastonan halto di awa y coriente. Gasolin a baha caba y pa awa y coriente lo mester bay den direccion di energia alternativa pa no depende di fuel.

Gobierno ta sigui baha gastonan di Gobierno drasticamente. Ta cortando den gastonan di goederen en diensten pa varios aña y Aruba ta e pais cu e gastonan aki mas abou den region. Asina mes Gobierno ta sigui baha nos gastonan y ta percura tambe pa cobra e impuesto cu mester cobra Gobierno ta hacienda lo posibel pa yega na e deficit cu mester y paga debenan di pais Aruba.

Gobierno lo sigui den dialogo cu gremionan y Hulanda pa determina y yega exactamente con ta bay bridge e gap cu nos ta den aworaki. Hunto lo sigui traha pa yega na un solucion hunto cu participacion di e gremionan y e profesionalnan cu ta e ekipo di Minister di Finanzas.

Na final di e conferencia di prensa, Prome Minister Evelyn Wever-Croes a duna un mensahe general pa Aruba y oponentenan. “Nos a ripara cu nos oponentenan politico ta contra tur cos. Mi por imagina cu esey ta un estilo di hiba oposicion. Hasta nan ta contra cosnan cu ta bon y necesario pa nos pais. Pero loke mi no ta di acuerdo cu ne ta cu nunca nan ta bin cu un solucion. E unico solucion cu nan ta bin cu ne ta pa lanta pueblo y baha Gobierno. Mi ta pidi oponentenan pa aworaki, Aruba por conta riba tur hende. Aruba tin mester di nos tur, di Parlamento, oponentenan, gremionan etc. Nos ta pasando den e dos crisisnan di mas pisa cu mundo a yega di pasa aden. Pues aworaki politica senciyo, politica barata no ta bay yuda Aruba bay dilanti. Bin cu bo solucionnan y hunto nos por bay traha na hiba nos pais padilanti”.

Continuacion **ASINA CU INVESTIGACION DI ARUBAHUIS FINALISA....**

Minister - President
Minister van Algemene Zaken

Voor Ontvangst:

Datum:

BUREAU ALGEMENE ZAKEN

Gobierno di A
L.G Smith Blvd
Oranjestad, Ar
Tel. (297) 528 4



Aan: de Voorzitter van de Staten
Staten van Aruba
Oranjestad
Aruba

Uw Kenmerk:

Ons Kenmerk: **MAZ/ 1021**

Oranjestad, 11 juli 2022

Onderwerp: Rappel 1 verzoek Factie MAS / onderzoeksrapport inzake Arubahuis.

Geachte Voorzitter,

Ingesloten gelieve u aan te treffen **een kopie** van het antwoord d.d. 23 juni 2022 op de brief van de MAS-fractie d.d. 10 juni 2022, naar de inhoud waar korthedshalve wordt verwezen.

Hoogachtend,

Mw. mr. E.C. Wever-Croes
Minister President
Minister van Algemene Zaken

Continuacion ASINA CU INVESTIGACION DI ARUBAHUIS FINALISA....



Minister - President
Minister van Algemene Zaken

Gobierno di A
L.G Smith Blvd.
Oranjestad, Aru
Tel. (297) 528 49

Voor Ontvangst: 

Datum: 24 Juni 2022

BUREAU ALGEMENE ZAKEN

Aan: de Voorzitter van de Staten
Staten van Aruba
Oranjestad
Aruba

Uw Kenmerk:

Ons Kenmerk: **MAZ/1021**

Oranjestad, 23 juni 2022

*Onderwerp: verzoek bevindingen onderzoeksrapport van de Centrale
Accountantsdienst (CAD) inzake het Arubahuis*

Geachte Voorzitter,

Ingesloten gelieve u aan te treffen antwoord op de brief van de MAS-fractie naar de inhoud waar korthedshalve wordt verwezen.

Hoogachtend,


Mw. mr. E.C. Wever-Croes
Minister President
Minister van Algemene Zaken

STATEN VAN ARUBA

Ingek: 24 JUN 2022

Volgnr:



HUNTO NOS POR PAGA E CANDELA NA DUMP PARKIETENBOS

Tin diferente opcion pa deshaci di taira



Entrante dialuna 22 di augustus, 2022, Serlimar lo prohibi e entrega di taira na Dump Parkietenbos. Den e manera aki por tuma e prome paso pa evita candela cu ta kima na Dump pa decadas caba. Taira por ser entrega na na Ecotech Freezone NV y, den corto plaso, na Carentra VBA.

Ministerio di Naturalesa a tuma nota di un grupito di nuebe tireshops cu a tuma e decision di ofrece e cliente un servicio incompleto di cambia taira (nan comunicado adhunto). E 9 tireshops a pidi pa sigui delibera cu Gobierno aunke cu esaki lo crea un tardansa den e cierre di Dump Parkietenbos, creando espacio pa candela sigui surgi. Na e momento aki e ciudadano y consumidor ta para pa haci su escohencianan pa nos Pais.



Continuacion HUNTO NOS POR PAGA E CANDELA NA DUMP PARKIETENBOS....

DEN ESAKI E CUIDADANO TIN DIFERENTE OPCION PA DESHACI DI NAN TAIRA:

1. E consumidor por opta pa un tire shop cu ta brinda servicio incompleto, bay cu su taira, y tir'e den mondi. Si scohe pa pone moralidad un banda y dañá nos medio ambiente, ta core e riesgo di un multa te cu 10,000 florin of 6 luna den prison ya cu esaki ta un acto strafrechtelijk.
 2. E consumidor por opta pa un servicio incompleto, bay cu su taira, y entrega esaki personalmente serca Ecotech Freezone NV unda e lo paga Afl. 0.19 cent pa kilo. E gran mayoria di chauffeur na Aruba ta haci uso di un taira di mas of menos 12 kilo, esta Afl.2,28 pa segura cu su taira wordo procesa den un manera responsabel.
 3. E consumidor por opta pa un servicio completo serca cualkier otro tireshops na Aruba, incluyendo e transporte di taira na e Ecotech Freezone NV of Carentra VBA pa procesamiento responsabel. Asina nos tur por contribui na paga e candela na dump y tene Aruba limpi.
 4. E consumidor tambe por opta pa haci uzo di e servicio di e negoshinan cu ta colecta desperdicio y brinda e servicio personalisa.
- Minister Arends ta gradici tur compania cu ta forma parti di e solucion pa por cera Dump Parkietenbos, y pa segura cu tairanan por wordo procesa den un forma responsabel pa por paga e candela na Parkietenbos.

Comunicado

Tireshopnan di Aruba kier participa lo siguiente na pueblo en general.

Gobierno a anuncia cu desde 22 di augustus 2022 tur taira bieu lo mester wordo hiba na Ecotech (of Carentra) na Barcadera.

Tambe a dicidi cu e prijs pa ton pa hiba e tairanan na e companianan aki lo subi cu 300%. E subida aki nos a experencia na september 2021 caba.

1 augustus 2021	15fl p/ton
1 september 2021	60fl p/ton
22 augustus 2022	190fl p/ton

Costo di bida na Aruba ta subiendo drasticamente y nos no ta di acuerdo pa bay pone pueblo di Aruba paga pa e gastonan aki imponi.

Pa e motibo aki Tireshopnan di Aruba no lo tuma e tairanan bieu mas di nos clientenan te ora cu Gobierno y stakeholders recapacita riba e prijs extra aki imponi riba e pueblo.

Entretanto e tireshopnan di Aruba lo sigui delibera cu gobierno pa yega na un miho entendimiento.

Nos ta pidi pueblo pa hiba nan tairanan bieu na Ecotech(of Carenta) na Barcadera cu ta unda gobierno kier pa nan wordo hiba.

Nos ta para pa nos clientenan y ta pidi boso compresion den e causa aki.

Danki di antemano,

Tireshopnan di Aruba



CICLO DI BIDA TAIRA

ENTRANTE 22 DI AUGUSTUS 2022




TAIRA IMPORTA



UZA

ENTREGA



TAIRA NA TIRESHOPS

OPCION 1: MERCADO LOCAL



OPCION 2: SERO TEISHI



CONVERTI NA AZETA (CARENTA)



SHRED TAIRA (ECOTECH FREEZONE)

PROCESA/RECYCLA



REDUCI REUZA RECICLA





MINISTER MADURO TA FELICITA HUBILARIO NAN DI DEPARTAMENTO DI FINANSA

Diabierna siman pasa den presencia di Director di Departamento di Finansa y nan famia, Minister Maduro a felicita e hubilarionan di Departamento di Finansa pa nan servicio na comunidad di Aruba. Minister Maduro ta felicita y gradici sra. Jolanda Geerman, sra. Sita Geerman y sra. Monica Maduro cu nan 30 aniversario, y sr Karl Vrolijk cu su 25 aniversario di trabao den servicio di Gobierno na bienestar di comunidad.

E mandatario a brinda cada hubilario nan Decreto Gubernamental, e envelop cu e gratificacion correspondiente y tambe un regalo pa por conmemora e ocasion importante aki. Sr Derrick Werleman como Director di Departamento di Finansa tambe a hiba palabra di gradicimento repasando e trayectoria di cada hubilario y brindando nan un aprecio di parti di Departamento di Finansa.



MINISTER MADURO TA FELICITA FUNDACION MI CUTISA PA ORGANISA UN CHARLA RIBA E TRAYECTORIA DI RIGNALD 'DOBLE R' RECORDINO

Un analisis di dr Rene Rosalia riba 50 aña di desaroyo musical

Den e aula di Universidad di Aruba, Fundacion Mi Cutisa a organisa un charla riba e trayectoria musical di Rignald 'Doble R' Recordino. E charla a wordo duna pa dr. Rene Rosalia kende como un antropologo na hermana isla Corsou a investiga e trayectoria musical di Doble R. Durante e presentacion dr. Rosalia a splica riba e nificacion di e trabao musical y balor literario di Rignald Recordino su cancionnan.

CANTICA CU CONTENIDO Y SABIDURIA POPULAR


Den su trayectoria 'Doble R' a produci mas di 500 composicion. Den cada cantica un cuenta cu ta conta riba aspectonan social di nos sociedad, ta haya bida y ta sirbi di enseñansa popular. Asina por aprecia un variedad grandi di cantica dedica na e hende muhe, di cual e cantica 'Ta muhe ta manda mundo' ta uno hopi popular. 'Shell Wel Wel' ta un otro cantica popular cu ta conta riba e yegada, estadia y despedida di refineria Shell na Corsou y ta muestra riba e abusonnan haci y nan efecto riba e Pueblo di Corsou. E cantica 'Tula Warda' tambe ta uno cu e mensahe pa nos ta consciente di nos balor como Pueblo y pa nos no sinta bringa otro. Tin e cantica 'Redologia' tambe cu e mensahe ta pa tur hende keda leu di redo. Den hopi cantica sr. Recordino ta manda e mensahe di sabiduria cu Rey Salomon a laga atras. E aña aki Rignald Recordino mes ta publica un buki di su historia musical cu e letranan di tur composicion cu ela publica.

RECORDINO TA SIÑA NOS APRECIA PAPIAMENTO

Cu su piesanan sr. Recordino a siña nos aprecia e uzo di nos idioma natal Papiamento y mantene e interes den locual ta nos custumbenan. Den su obra 'Esta un dushi lenga,' Recordino ta describi Papiamento como un idioma creol cu ta hopi interesante, excitante, potente, suave, dushi, bunita, tonal, ritmico, poetico, humoristico, romantico, dramatico, facil, agradabel, flexibel, apreciabel y cu un gramatica logico, moderno y facilito. Papiamento ta completo y pesey ta bale la pena pa nos cuid'e y ta orguyoso semper di nos lenga materna.

TA GRADICI FUNDACION MI CUTISA PA NAN APORTA NA CONOCIMIENTO POPULAR

Minister Maduro ta gradici Fundacion Mi Cutisa pa a organisa e tremendo charla aki unda e fundacion ta aporta na e conocimiento popular di nos Pueblo. E musica y e historia tras di cada cantica di 'Doble R' ta algo unico y ta bale la pena pa wordo conta. Masha danki Fundacion Mi Cutisa y dr. Rosalia pa laga Aruba haya sa mas di e artista, genio literario y musical Rignald Recordino cu ta deleita nos cu su obra nan musical sin igual.



2022
AÑA DI INVERSION
Y OPORTUNIDAD

**Y HUNTO NOS TA
CONSTRUI UN
ECONOMIA MAS
FUERTE Y
RESILIENTE**

MINISTER
Geoffrey Wever



INICIO DI PROYECTO EDUCACION FINANCIERO PA EMPODERA E CIUDADANO



Minister di Asuntonan Economico, Comunicacion y Desaroyo Sostenibel, Geoffrey Wever ta anuncia inicio di e proyecto "Finansas den bo Hogar". Esaki den cuadro di su maneho di Educacion Financiero Nacional. Meta di e proyecto ta pa nos hendenan ricibi guia y conocimiento cu por yuda tuma decisionan financiero cu ta beneficia su bienestar.

Hunto cu Fundacion Plan di Bida cu a desaroya e proyecto "Finansas den bo Hogar", ta bai ofrece un programa di educacion financiero. Fundacion Plan di Bida ta dispuesto pa comparti nan expertisio riba e tereno aki y contribui tambe na bienestar financiero di nos hendenan.

Na Aruba 3 di 10 hogar ta gasta mas di loke nan ta gana tur luna segun sondeo di Banco Central di Aruba. E desaroyo aki ta uno preocupante pasobra e ta indica cu cada luna ta un reto

pa hogarnan cumpli cu tur necesidad y responsabilidadnan financiero manera gasto pa huur, cuminda, y prestamonan personal. Como consumidor ta importante pa sa ki impacto cada decision financiero tin riba nos cartera y nos hogar.

Pa por duna apoyo na e ciudadano, Ministerio di Asuntonan Economico, Comunicacion y Desaroyo Sostenibel ta inicia e proyecto Finansas den bo Hogar. E proyecto ta un curso cu lo trata 4 tema importante riba con pa maneha nos finansa cada dia. E temanan ta:

- Mi ta efectivo den mi cas. Con mi por spaar y tambe con pa cumpra sin emocion
- Mi ta paga mi debe. Kico lo pasa ora mi no por paga mi debe mas
- Mi ta inverti den mi futuro. Futuro di nos y nos yuinan ta importante y con nos por logra nos metanan
- Mi presupuesto. Kico ta luho y prioridad y con segun bo entrada bo por presupuesta y asina logra metanan

E curso lo ser duna den districto di Noord, Santa Cruz, San Nicolas, Paradera, Savaneta y Oranjestad. Lo anuncia pronto mas informacion over di e proyecto aki.

Tuma decision financiero ta rekeri cierto conocimiento cu ta forma parti di educacion financiero. Educacion financiero ta importante pa desaroyo di nos mes como hende, como consumidor y como pais segun minister Geoffrey Wever. "Mi ta orguyoso cu e proyecto aki ta bai inicia y agradecido cu Fundacion Plan di Bida ta colabora cu Gobierno di Aruba y asina duna nos hendenan e abilidad y conocimiento pa stimula nan propio desaroyo y bienestar financiero."

**Aruba mester
di nos TUR!**



ATENCION

WEB Aruba ta anuncia ahuste di tarifa di awa residencial entrante **1 di september 2022**.

Clientenan lo ripara e ahuste aki den nan cuenta di awa di **october 2022**, cual ta caduca na **november 2022**.

Tarifa residencial (A)

Consumo m ³	Tarifa AWG pa m ³ Entrante 1 AUG 2022		Consumo m ³	Tarifa AWG pa m ³ Entrante 1 SEP 2022
0 - 3 m ³ *	6.30		0 - 3 m ³ *	5.75
4 - 6 m ³	6.30		4 - 6 m ³	5.75
7 - 12 m ³	8.25		7 - 12 m ³	7.90
13 - 20 m ³	13.50		13 - 20 m ³	14.20
20+ m ³	17.75		20+ m ³	19.20

**Basa riba consumo minimo di 3 m³ (vastrecht)*

Tarifa NO residencial (comercial: T,P,G,H,L) a keda Awg. 12.00,- pa m³ basa riba consumo minimo di 3 m³/vastrecht). **Tarifa special pa Agricultura, Horticultura y Ganaderia (C)** a keda Awg. 5.50 pa m³ basa riba compra minimo garantisa di 10 m³



A PONE E PROME PIEDRA PA STICHTING HUNTO



Diaranson mainta, durante un conferencia di prensa di Gobierno di Aruba, Minister di Husticia y Asuntonan Social Rocco Tjon conhuntamente cu Prome Minister di Aruba Sra. Evelyn Wever - Croes a pone e prome piedra, pa loke muy pronto lo bira Stichting Hunto. E edificio caminda lo bay ubica Fundacion pa Maneho di Adiccion di Aruba (FMAA) y Sociaal Psychiatrische Dienst (SPD) hunto, pa asina alinea procesonan mucho mas miho na otro y eleva e calidad di cuidu cu ta brinda na comunidad di Aruba den cuadro di salud mental y adiccion.

Ta asina cu na oktober 2020, FMAA y SPD a firma un MOU cu e intencion pa uni cu otro den un solo fundacion cu lo yama Stichting Hunto. Esaki a nace a base di un vision caminda tur dos a mira e necesidad pa haci e cuidu cu cada un ta brinda mas accesibel y alabes enfoca riba clientenan cu tin un “dubbele diagnostiek” cu un atencion specifico pa mucha y hobennan. E vision ta pa percura cu clientenan por rehabilita y reintegra bek den comunidad door di percura cu e cuidu ta accesibel, integral y di un calidad halto pa loke ta trata adiccion

y salud mental.

E proyecto aki ta complementa e vision y e plan di maneho di Ministerio di Husticia y Asuntonan Social pa motibo cu e proyecto aki lo conduci na un reduccion di e fragmentacion cu tin den e sector di cuidu; reduccion di listanan di espera door di amplia e prome linea di cuidu y reduccion di e presion cu tin riba e cuidu mas specialisa. Pa por a logra yega na e momento importante aki, hopi trabou mester a wordo haci, pasobra e exito di e proyecto aki, y e hecho cu e ta bira un realidad no ta depende solamente di SPD y FMAA, pero tin mas factor ta hunga un rol.



Continuacion A PONE E PROME PIEDRA PA STICHTING HUNTO....

Bisando esaki, a tene cuenta entre otro cu palabracionnan di procedura entre stakeholders pero tambe a tene cuenta cu restructuracion di alocacion di fondonan den presupuesto 2022. Pa e motibo aki tambe na fin di aña pasa a sera diferente MOU's, entre otro uno entre tur stakeholders, den cual a ankra e compromiso pa cuminsa traha mas di serca cu otro, cu e meta final pa haci cuido mas accesibel y eleva e calidad. Di otro banda tambe mester a percura pa haci analisisnan financiero, pa por re-aloca y restructura fondonan, pa e proyecto aki por bira un realidad, pero na final di dia pa por haci mucho mas cu e fondonan limita cu tin.

Por ultimo, e mandatario a manda palabranan di gradicimento pero tambe un pabien na tur stakeholders clave esta SPD, FMAA, FADA, HAVA y RESPALDO como tambe conseheronan huridico y financiero di Ministerio di Husticia y Asuntonan Social. Tambe, a gradici Parlamento di Aruba, pasobra na final di dia mester di un presupuesto aproba pa por ehecuta tipo di proyectonan asina. Lo tin mucho mas Proyecto, cu lo wordo ehecuta ainda e aña aki.





Minister Endy Croes:

TA FELICITA GABINETE WEVER CROES II, MINISTER ROCCO TJON Y DANQUI ODUBER CU E LOGRO Y PONEMENTO DI PROME PIEDRA PA STICHTING HUNTO



Diaranson mainta banda di veld di DOUANE na Dakota a tuma luga ponemento di prome piedra pa e edificio nobo pa Stichting Hunto.

KICO STICHTING HUNTO TA ENCERA?

A trece tanto FMAA (Fundacion pa Maneho di Adiccion di Aruba) y SPD (Sociaal Psychiatrische Dienst) bou un solo dak cual lo bay carga e nomber di Stichting HUNTO. Hopi biaha ciudadanonan cu adiccion tin problema cu 'mental health' tambe conoci como 'dubbel diagnostiek'. Stichting HUNTO lo tin tur profesional di adiccion y 'psychiatrie' bou di un solo dak alabes lo tin un ekipo specialisa pa mucha. Pues ora mayor yega cu un mucha of adicto ambulante cu kier busca ayudo, e tey pa yuda un y tur mesora. Esaki ta e ayudo conoci tambe como e 'eerste lijn'. Esaki ta complementa y yuda baha e di e lista di espera y lo reduci e presion riba e ayudo mas specialisa manera (RESPALDO). Manera profesionalnan a splica nan a warda alrededor di 25 aña pa por mira un sueño wordo realisa. E logra aki ta garantiza cu lo brinda e ayudo hopi mas lihe y eficiente.



MINISTER ROCCO TJON:

Minister Rocco Tjon banda di a gradici Prome Minister Evelyn Wever - Croes, Gabinete Wever Croes I y II y su Colega Danqui Oduber kende a inicia e proceso desde 2019, tambe a gradici masha hopi e 'stuurgroep', 'stakeholders' y e profesionalnan den e veld cu a forma parti di e proceso pa planea y yega na e consenso aki. Entre otro SPD, FADA, RESPALDO, HAVA, Sociale Zaken, DVG, CBOS, BOV, Stichting Eliezer Aruba a hunga un papel cardinal. Mas cu claro e mision ta pa percura pa e cliente por rehabilita y re-integra bek den comunidad. Minister di Enseñansa y Deporte ta felicita colega Minister Rocco Tjon, Danqui Oduber, Glenbert Croes y Gabinete completo pa cu e logro bunita aki. Pabien FMAA y SPD unda desde awo pa dilanti ta UNI forsa bou di e nomber Stichting HUNTO pa un solo causa pa brinda ayudo na esnan den necesidad manteniendo e cliente central. Masha masha pabien. Union ta haci forsa!



PREMIO EXCELENCIA EN DEPORTE

SINTONISA LIVE

PREMIO EXCELENCIA EN DEPORTE

DIASABRA **20 AUGUSTUS 2022**
8.00PM



Gabinete Wever-Croes fb page

Gabinete Wever - Croes II

Minister di Enseñansa y Deporte

Endy Croes



Ministerio di Enseñansa y Deporte



Deseo
Disciplina
Dedicacion
Determinacion


Dia di Fotografia 19 augustus

2022

ISLA
ONLINE



COMPETENCIA DI FOTOGRAFIA



edad: 13-17 aña

Participa y gana sacando potretnan di Aruba

Entrega bo potretnan na

islaonline@gobierno.aw

prome cu dia **31 di augustus 2022.**

Ganadornan lo ricibi un tablet y nan potretnan lo wordo publica henter aña den IslaOnline.



COMPETENCIA DI FOTOGRAFIA

- Tur participante mester entrega tur potret via email na **islaonline@gobierno.aw**
- Tur potret lo mester wordo entrega prome cu dia 31 di Augustus 2022
- No ta acepta niun potret despues di e fecha menciona
- Potretnan mester ta den jpeg, jpg of tiff.
- Un total di 2000 pixels y no mas grandi cu 10 MB
- Cada participante por entrega entre 5 pa 10 potret
- Potretnan mester ta imagennan di Aruba

E siguiente informacion di cada participante ta rekeri na momento di entrega e potretnan:

- Number y fam completo di participante
- Edad
- Adres
- Email
- Telefon
- Titulo di e potret
- Lugar na unda a saca e potret
- Ta permiti haci cambionan basico riba cada potret manera mehoracion di e colornan, filters of “cropping”.
- Potretnan cu ta encera imagennan inapropia, ofensivo of provocativo lo ser descualifica automaticamente



Participantenan lo ser evalua door di un comishon di **IslaOnline**

Lo anuncia e ganadornan via IslaOnline

Fecha cu lo anuncia e ganadornan **dialuna 12 di September 2022**

 **ISLA**
ONLINE

Feliz diabierna!

CADA BAHADA DI SOLO TA UN MAGIA,
CU TA DURA PA UN RATO CORTICO.
UN OBRA MAHESTRAAL CU TA YENA NOS DI SPERANSA,
CU DESPUES DI E SCURIDAD, UN DIA NOBO TA ACERCA
COMO UN COMUNIDAD FUERTE Y UNI,
NOS MESTER HACI UZO DI CADA MOMENTO
CU E CLARIDAD DI UN DIA NOBO TA DUNA NOS.
Y TRAHA PA NOS DUSHI ARUBA
INVERTIENDO DEN NOS MES,
DEN NOS FAMIA Y DEN NOS PAIS,
PA CREA OPORTUNIDADNAN NOBO,
PA NOS RECUPERA DI E CRISIS
CU UN DIA A WORDO PONI
DEN E CAMINDA DI NOS PROGRESO.



**20
22** | AÑA DI
INVERSION Y
OPORTUNIDAD